



LOU REINARD,
LOU CARRETIER

ET

LOU LOUP,
APOLOGUO.

Lou Reinard, lou Carretier
et lou Coup,

APOLOGUO.



UN soir, pas luench de la Ginesto,
Un vieilh reinard, la terrour doou quartier,
Su soun camin, rescontr'un carretier
Carga de peys.... Li passo per la testo

Dé fair'un tour dé soun mestier,
 Tant fa, tant va; si clin', et dessout'uno ribo,
 A la sénéquo doou camin,
 Va de galapachoun, et plus gai qu'un lapin,
 Li coupo lou davan et sur la rout'aribo,
 Aqui, s'estende, fa lou mouart,
 Dins l'espoir de mangear lou marlus en bourrido;
 Sabi ben qu'à sa plaç'aourieou courru bourrido,
 Per de peissoun risquar sa vido,
 Que vous dirai? lou tour es un paou fouart.

Ero alors miegeo-nuech, lou vieilh lumé deis lebrés,
 Vo ben la Luno, s'aimas mies!
 Darnier de gros nieoulas ouou mitan deis ténèbrés
 De tems en tems fasié veïre soun piés.
 Espinchavo,
 Fasié baboou;
 Et l'ouscurita proutegeavo

Lou reinard qué si preparavo,
 De fair'un boou;
 Deja si salicavo.

Lou carretier à souñ courdeou,
 A la babala caminavo,

Et de tems en tems mesclavo

Lou fli-fla de soun fouit, oou bruch doou toumbareou,
 Qué tout en crenilnant, doou reinard s'aprouchavo :

Ero pancar'à vingt pas d'euo,

Qué soun bardot l'ourilho drecho,

S'aplanto tout redoun..... Dé marcha la plus mecho,

Et maougra toueis leis trons qué dis lou carrétier,

Et leis coous dé fouits qué van fermé,

Enluéguo d'avançar brando pas mai qu'un termé.

Lou rustre se despit'et maoudis soun mestier!

Las dé lou basselar, regardo dé tout caïre,

En se disent : qué diantré li fa pouu ?

De luench, vis qua'oucaren qué négrégeavo ouu soou;
S'apoch'en trémoulant, et crés veïre, pécaire !
Un malhurous coucha..... li crido tant qué pouu :
L'hommé revilha vous, v'enrooumarés, coumpaire,
Qué dias? Respoundé pas! es bessai mouart, qu soou!
Lou vir'émé lou ped, quand tout d'un coou la luno
Oou mitan d'un ciel blus, qué semblo picouta,
Si démasquo deis nieous, et gito sa clarta
Sus lou mourré pouchut dé la besti feruno.
Lou roulier qué la vis, gitt'en l'er soun capeou,
En dian, tron dé padieou, qu'unto bouéno fortune!
Es un reinard, déman vendrai sa peou.
Lou cargo sur lou couel, et vagu'ouu toumbareou.
Lou reinard qué l'aouvié, n'en boufavo pas uno ;
Maï disié souto cap'an'aqueou gros fayouu :
Qu'u senso l'hoste compt', ami, compto dous coou.
Content coumo Pierrot, lou roulier piquo l'esquo,

Abro soun cachimbaou,

Après, d'un coou dé fouit regalo soun chivaou,
 Qué deis bords doou camin ségavo l'herbo fresquo ,
 Fa tirer..... Lou reinard dintré lou carretoun ,
 Sens'escaoumar lou pey, ni levar leis espinos,
 Goudiflavo marlus, roucaou, pageou, sardinos :

(N'ero pas glou doou jarrétoun.)

Après s'estré gava, bourra, finqu'ouou mentoun,
 Se dis : n'es pas lou tout d'avé la panso pleno,
 Hui va ben, maï déman, segur passarieou peno;
 Se toubavo dé neou! dins ma baoum'entarra,

Tout lou jour farieou baquarra.

Per v'evitar, profiten dé l'aoubéno ,
 Accaparen dé peys, sabi ben qu'és pas mieou,
 Maï na tant aoujourd'hui, qué raouboun coume yeou,
 Ministré, directour, noutari, tout s'en mello,
 Temouin lou capélan qu'a prés une femello,
 D'aquo s'en fa pas bruch; s'éro un paouré mesquin,

Qu'aguessé pres un pan, cridarrien aou couquin !
 Maï quand l'hommé sacra d'uno innoucent'abuso ,
 Soun crim'es estoufat..... Aquo si qué m'amuso.
 Per naoutreis animaous, qué la pas gés d'infer ,
 Sé bousquan dé peissoun, cregnen pas Lucifer !
 Adoun, despachen si; qué tant dé bavardagi!
 Perden pas maï dé tems. La campan'ouo villagi,
 (Tambour deis fenians); va souenar l'*angelus*,
 Lou jour nous susprendrié..... vité vit'eis marlus ,
 Anen, zou, bouen couragi!

Subran si bout'à l'obr'et dessus lou camin ,
 Gitto rouget, pageou, solos, marlus, ourado.
 Dins mens d'un guigna d'hueil la terr'es samenado
 Dé tout cé qué la mar nourricié dé plus fin.
 Hurousament degun passavo ,
 Quand dé pilhar fougué sadou ,
 Parté coumo lou tap qué lanç'un pétadou !

Lou Carretier, qu'en marchant penecavo;
 Cé qué jamaï l'er'arriba,
 A pen'aou soou, l'aouvé tumba,
 Qué duerbé l'hueil, et lou vis qué lampavo;
 Doou cadenoun alors , gitto sa pip'aou soou,
 Puis li mand'à la pres touteis leis maous que soou,
 Accoumpagna d'un fou, qu'ero fach dé coumando,
 Qué, l'echo doou valoun, rescass'et li remando.
 Courr'après l'animaou , maï n'ero pas proun gai.
 De la ragi s'entouarn', en disent qu'unto favo,
 O voulur ! O bregand ! vené, vené li maï.
 (En rabailhan soun pey, lou reinard s'en trufavo).

Un loup, dé seis amis, qué la fam estoufavo,
 Plus maigré qu'un chivaou, qué tir'un omnibus,
 S'avanç'en li disent faï leou, n'en pouedi plus,
 Depuis maï dé très jours aï ren més dins la caisso,
 Douno mi dé peissoun per faïr'un bouillabaisso !

Moun ventr'es curat coum'un brus,
 Anen, pouargé mi dé marlus !
 Voulountier t'en darieou ! maï vui moun camarado,
 Sieou fourçat de ti refusar ;
 A l'houstaou per dinar sian une garenado ;
 Ti pregui dé m'escusar ;
 Pourtant, se coumo yeou voues fairé boueno pesquo,
 Dépendé qué dé tu, n'aouras pas besoun d'esquo.
 Té, regard'eil'avaou, vies pas un carretoun ?
 Despacho—ti, faï leou , va virar lou cantoun.
 Eh ben ! sens'estré vis dé l'hommé qué lou meno,
 Vaï li couper lou vent , après coucho t'ouou souu,
 Faï coumo se batiés plus veno.
 L'hommé qué ti veïra coucha sur lou camin,
 Va creïré qué sies mouart ; et dintré sa voituro,
 En crésen d'avér fach capturo,
 Ti mettra. Quand seras alin,
 Dé solos, de fielas, rempliras ta bedeno ;

Quand sera pleno ,
Dounaras un coou d'escarpin.

Lou loup qu'ero pas tendre !
Li dis : se ce qu'as dich, ce que veni d'entendre
N'és pas veraï ,
Ti mangearaï !
Es un piégi qué mi voués tendré !

Oh ! repren lou reinard, coumo mi jugés maou !
Yeou ! mi creiriés tant gus dé ti fairé dé maou !
Yeou ! qué per un ami souffririeou lou martyré !
Eh ben ! pusqué voues pas ti fisar à moun diré ,
Va juri sur l'hounour !

L'hounour ! repren lou loup, a coumo la dardéno
Qué Marsilho fabriqua plus gés dé valour !

Adoun per Santo Philomeno !

Lou loup se fis'aqui, parté coumo lou lan ,

Per arribar plus leou dins un champ dé garouto
Travers'et dins l'espoir de chiquar lou marlan,
Davant lou carretier s'estendé sur la routo,
Maï nouestr'hommé lou vis, se cres qu'es lou reinard
 Qué venié maï li rendr'une visito,
Agant'un gros couteou, sus d'eu sé precipito,
Et d'un coou dins lou piés l'estendé redé mouart!
La terro dé soun sang fougé touto bagnado.
Veicito cher lectour sa radièro pensado.
A nouestreis cambos vui pouden plus se fisar,
Taou se dis vouestr'ami que serqu'à vous troumpar!

 Emé la rus'et la magagno,
Vous tiras dé partout à l'houro d'aujourd'hui,
 Maï s'aves pas tout aquo per appui,
Poudes pas vous tirer d'uno prisoun dé sagno!

